

Akashvani, Sambalpur

SAMBALPURI NEWS BULLETIN

18 January 2026 – 6.47- 6.52 am.

ମୁଖ୍ୟମନ୍ତ୍ରୀ-ପଶ୍ଚିମବଙ୍ଗ ଗସ୍ତ ଆରମ୍ଭ/ ସମ୍ବଲପୁର

କୋଲକାତା ନ ଚାଲିଥିବା ୨ ଦିନିଆ ନିବେଶକ୍ ସମ୍ମିଳନୀ ଗଲାକାଏଲ୍ ଶେଷ ହେଇଛି । ଇ ସମ୍ମିଳନୀ ଓଡ଼ିଶାକେ ଲକ୍ଷେ କୋଟି ଟଙ୍କାର ପୁଞ୍ଜିନିବେଶ ମିଳିଛି । ଇଥି ପାଖାପାଖି ୯୦ ହଜାର ଲୋକ ନିଯୁକ୍ତି ସୁଯୋଗ ପାଏବେ । ମୁଖ୍ୟମନ୍ତ୍ରୀ ମୋହନ ଚରଣ ମାଝୀଙ୍କର ଉପସ୍ଥିତିଥି ୨୭ ଟା ଶିଳ୍ପସଂସ୍ଥା ସାଙ୍ଗେ ରାଜ୍ୟ ସରକାର ଏମ୍‌ଓୟୁ ସ୍ୱାକ୍ଷର କରିଛନ୍ । ରାଜ୍ୟକେ ନିବେଶ ଆନ୍ଦାର ଲାଗି ଶହେ ୩୦ ଟା ଶିଳ୍ପ ସଂସ୍ଥା ପ୍ରତିନିଧିଙ୍କର ସାଙ୍ଗେ ଉଚ୍ଚସ୍ତରୀୟ ବୈଠକ୍ ହେଇଛି । ଓଡ଼ିଶା ହିଁ ପୂର୍ବ ଭାରତ୍ ନ ଶିଳ୍ପ ଅଭିବୃଦ୍ଧିର ନେତୃତ୍ୱ ନେବା ବଳି ଇ ଅବସରେ ମୁଖ୍ୟମନ୍ତ୍ରୀ କହିଛନ୍ । ଆଏବା ୨୭ ଆଉ ୨୮ ତାରିଖ୍ ଦିନ ରାଉରକେଲା ନ ଏଂଟର୍ପ୍ରାଇଜ୍ ଓଡ଼ିଶା ସମ୍ମିଳନୀର ଆୟୋଜନ୍ କରାଯିବା । ଇଥି ରାଜ୍ୟର ଶିଳ୍ପ ଆଉ ଏମ୍‌ଏସ୍‌ଏମ୍‌ଇର ସମ୍ଭାବନା, ଷ୍ଟାର୍ଟଅପ୍ ଇକୋ ସିଷ୍ଟମ୍, ଆଉ ନିବେଶ ଲାଗି ସରକାର ପ୍ରସ୍ତୁତ୍

କରିଥିବା ଭିତିଭୂମିର ପ୍ରଦର୍ଶନ କରାଯିବା ବଳି ସମ୍ମିଳନୀଥି ସୂଚନା ଦିଆଯାଇଛି ।

ପଂଚାୟତ୍ ଆଉ ପୌର ନିର୍ବାଚନ ଆଇ.ଆର୍.ପି.ଆର୍

ରାଏଜେ ଆଏବା ୨୦୨୭ ମସିହା ନ ହେବାରୁକେ ଥିବା ପଂଚାୟତ୍ ଆଉ ପୌର ନିର୍ବାଚନ ଲାଗି ପ୍ରସ୍ତୁତି ମୁଲ୍ ହେଇଛି । ଇଥିରୁଲାଗି କଟକ୍ କେନ୍ଦ୍ରାଂଚଲ୍ ରାଜସ୍ୱ ଆୟୁକ୍ତଙ୍କର କାର୍ଯ୍ୟାଳୟର ସମ୍ମିଳନୀ କକ୍ଷ ନ ଗୁଚେ ପ୍ରାକ୍ ପ୍ରସ୍ତୁତି ସମୀକ୍ଷା ବୈଠକ୍ ହେଇଯାଇଛି । ରାଜ୍ୟ ନିର୍ବାଚନ ଆୟୁକ୍ତ ମଧୁସୂଦନ୍ ପାଢ଼ୀଙ୍କର ଅଧକ୍ଷତାଥି ହେଇଥିବା ବୈଠକ୍ଥି ଆଏବା ପଂଚାୟତ୍ ଆଉ ପୌର ନିର୍ବାଚନ ଲାଗି ଭୋଟର ତାଲିକା ପ୍ରସ୍ତୁତି ଆଉ ଗଲା ଦିନେ ହେଇଥିବା ନିର୍ବାଚନ ବାବଦ୍ ତଥ୍ୟର ସମୀକ୍ଷା କରାଯାଇଥିଲା । ଘରୁକେ ଘର ଯାଂଚ୍ କରାଯାଇକରି ସଠିକ୍ ତାଲିକା ତିଆର୍ କରାଯିବା । ଗ୍ରାମ୍ ପଂଚାୟତ୍ ଆଉ ପୌର ଇଲାକା ନ ଜିଆଇଏସ୍ ମେପିଂ କରବା । ଭିନ୍ ଭିନ୍ ନିର୍ବାଚନ ସାମଗ୍ରୀର ଆବଶ୍ୟକତା ଆଉ ତାର ବ୍ୟବସ୍ଥା ବାବଦେ ବୈଠକ୍ଥି ଆଲୋଚନା ହେଇଥିଲା ।

ସରକାରୀ ଅଧିକାରୀ-ତାଲିମ୍ ଶିବିର ଆଇ.ଆର୍.ପି.ଆର୍

ସରକାରୀ କାମକାଜ ନ ଓଡ଼ିଆ ଭାଷାର ବେଭାର ଲାଗି ସରକାରୀ ଅଧିକାରୀମାନଙ୍କର ଗୁଚେ ତାଲିମ୍ ଶିବିର ଆୟୋଜନ କରାଯାଇଥିଲା । ଓଡ଼ିଆ ଭାଷା, ସାହିତ୍ୟ ଆଉ ସଂସ୍କୃତି ବିଭାଗ ଆଉ ଓଡ଼ିଆ ଭାଷା ପ୍ରତିଷ୍ଠାନର ମିଳିତ ସହଯୋଗିତ୍ ଗଲା ୧୬ ଆଉ ୧୭ ତାରିଖ ୨ ଦିନ ତକ୍ ଇ ଶିବିର ଆୟୋଜିତ୍ ହେଇଥିଲା । ରାଜ୍ୟ ସରକାରଙ୍କର ୩୦ ଟା ବିଭାଗକୁ ୨ ଶହ ୨୦ ନୁ ଅଧିକା ଅଧିକାରୀ ଇ ପ୍ରଶିକ୍ଷଣ ଶିବିରଥି ଯୋଗ୍ ଦେଇଥିଲେ ।

ଖୋର୍ଦ୍ଧା - ବଲାଙ୍ଗିର ରେଲ୍‌ପଥ କାମ ନୟାଗଡ଼୍ ସମାପଦାତା

ଖୋର୍ଦ୍ଧା ଆଉ ବଲାଙ୍ଗିର ରେଲ୍‌ପଥ କାମକେ ଇ ବଛର ଶେଷତକ୍ ସାର୍ବବାର୍ ଲାଗି ଚେରେଷ୍ଟା ଜାରି ରହିଛେ ବଳି ପୂର୍ବତଟ ରେଲ୍‌ପଥର ମହାପ୍ରବନ୍ଧକ୍ ପରମେଶ୍ୱର ପୁଙ୍କଝାଲ୍ କହିଛନ୍ । ବହୁପ୍ରତୀକ୍ଷିତ ଖୋର୍ଦ୍ଧା ବଲାଙ୍ଗିର ରେଲ୍ ପ୍ରକଳ୍ପର ୩ ଶହ ୧ କିଲୋମିଟର ଭିତ୍‌ରୁ ଖୋର୍ଦ୍ଧା ରୋଡ୍‌କୁ ଦଶପଲ୍ଲୀତକ୍ ଶହେ ୬ କିଲୋମିଟର ଆଉ ବଲାଙ୍ଗିରକୁ ବୌଦ୍ଧର ପୁରୁଣାକଟକ୍ ଶହେ ୨୦ କିଲୋମିଟର କାମ୍ ଶେଷ୍ ହେଇକରି ରେଲ୍ ଚଲାଚଲ୍ କରୁଛେ । ସେନ୍ତା ବାକିଥିବା ଦଶପଲ୍ଲୀକୁ

ପୁରୁଣାକଟକ୍ ତକ୍ ୧୫ କିଲୋମିଟର୍ ରେଲ୍‌ପଥ୍ କାମ୍ ଯୁଦ୍ଧକାଳୀନ୍
ଭିତିଥ୍ ଚାଲିଛେ ବଳି ଶ୍ରୀ ପୁଙ୍କଝାଲ୍ କହିଛନ୍ ।

କୃଷି ଓଡ଼ିଶା-୨୦୨୬

ଆର୍ଏନ୍ୟୁ/ ସମ୍ବଲପୁର

ଭୁବନେଶ୍ୱର ବର୍ମୁଣ୍ଡା ଠାନ୍ ଥିବା ବିଜୁ ପଟ୍ଟନାୟକ୍ ଖେଲ୍ ପଡ଼ିଆ ନ
ଆଏବା ୨୨ ନୁ ୨୪ ତାରିଖ୍‌ତକ୍ ଓଡ଼ିଶା କୃଷି ମହାକୁମ୍ଭ- କୃଷି ଓଡ଼ିଶା-
୨୦୨୬ର ଆୟୋଜନ୍ କରାଯିବା । ଅନ୍ତର୍ଭୁକ୍ତିକରଣ୍ ଜରିଏ ସହନଶୀଲ୍
ଚାଷ୍ ଇ ବଛରର କାର୍ଯ୍ୟକ୍ରମ୍‌ର ବିଷୟବସ୍ତୁ ରହିଛେ । କାର୍ଯ୍ୟକ୍ରମ୍‌କେ
ନେଇକରି ଭୁବନେଶ୍ୱର ଲୋକ୍‌ସେବା ଭବନ୍ ନ ଗଲାକାଏଲ୍ ଗୁଟେ
ପ୍ରସ୍ତୁତି ବୈଠକ୍ ହେଇଯାଇଛେ । ବୈଠକ୍‌ଥ୍ ଉପମୁଖ୍ୟମନ୍ତ୍ରୀ ଆଉ
କୃଷିମନ୍ତ୍ରୀ କନକ୍ ବର୍ଦ୍ଧନ୍ ସିଂହଦେଓ, ବିଭାଗର ଅତିରିକ୍ତ ମୁଖ୍ୟ ଶାସନ୍
ସଚିବ ତକ୍‌ର ଅରବିନ୍ଦ ପାଢ଼ୀ ପ୍ରମୁଖ ଉପସ୍ଥିତ୍ ଥିଲେ ।

ଗବେଷଣା ଆର୍ଥିକ୍ ସାହାଜ୍

ଆଇ.ଆର୍.ପି.ଆର୍

ଉଚ୍ଚଶିକ୍ଷା ବିଭାଗ୍ ଆଉ ଓଡ଼ିଶା ରାଜ୍ୟ ଉଚ୍ଚଶିକ୍ଷା ପରିଷଦ୍ ତରଫୁ
ମହାବିଦ୍ୟାଳୟ ଆଉ ବିଶ୍ୱବିଦ୍ୟାଳୟର ଅଧ୍ୟାପକ୍ ମାନ୍କୁ ଗବେଷଣା
କାମ୍ ଲାଗି ମୁଖ୍ୟମନ୍ତ୍ରୀ ରିସର୍ଚ୍ଚ ଇନୋଭେସନ୍ ଫେଲୋସିପ୍ ଜରିଏ

ଆର୍ଥିକ୍ ସାହାଜ୍ ଦିଆଯାଇଛେ । ୨୦୨୫-୨୬ ଶିକ୍ଷା ବଛର୍ଥି ଇତାର୍ ଜରିଏ ରାଜ୍ୟର୍ ଭିନ୍ ଭିନ୍ ମହାବିଦ୍ୟାଳୟ ଆଉ ବିଶ୍ୱବିଦ୍ୟାଳୟର୍ ୬୦ ଝନ୍ ଅଧାପକଙ୍କୁ ବଛାଯାଇଛେ । ବଛାହେଇଥିବା ଅଧାପକ୍ ମାନକୁ ତାକର୍ ପ୍ରସ୍ତାବିତ୍ ପ୍ରକଳ୍ପ ଲାଗି ସବୁନୁ ଜହ୍ ୧୦ ଲାଖ୍ ଟଙ୍କାତକ୍ ଆର୍ଥିକ୍ ସାହାଜ୍ ଦିଆଯିବା । ଉଚ୍ଚଶିକ୍ଷାମନ୍ତ୍ରୀ ସୂର୍ଯ୍ୟକାନ୍ତୀ ସୂରଜଙ୍କର୍ ଉପସ୍ଥିତିଥି ୧୦ ଝନ୍ ଅଧାପକଙ୍କୁ ତାକର୍ ଗବେଷଣା ପ୍ରକଳ୍ପ ଲାଗି ଇ ଆର୍ଥିକ୍ ସାହାଜ୍ ଦିଆଯାଇଛେ ।

ପକ୍ଷୀ ଗନ୍ନା ସମ୍ବଲପୁର ସମାଦଦାତା

ହୀରାକୁଦ୍ ଜଲ୍ଭଣ୍ଡାର୍ ଆର୍ ଆଦ୍ରଭୂମି ଅଂଚଳ୍ ନ ଆଏଜ୍ ପକ୍ଷୀ ଗନ୍ନା ହେଉଛେ । ଇ ବଛର୍ ସାରା ଜଲ୍ଭଣ୍ଡାର୍କେ ୨୧ ଟା ସେକ୍ଟର୍ଥି ଭାର୍ କରାଯାଇକରି ୩୨ ଟା ଦଲ୍ ଜରିଏ ଇ ଗନ୍ତି କାମ୍ କରାଯାଉଛେ । ପକ୍ଷୀ ଗନ୍ତି ଆଏଜ୍ ସଖାଲର୍ ୬ ବଜେନୁ ମୁଲ୍ ହେଇକରି ବେଲ୍ବୁଡ଼ାର୍ ୫ ବଜେତକ୍ ଚାଲ୍ବା । ଇଥିର୍ଲାଗି ଆଏଜ୍ ହୀରାକୁଦ୍ ଜଲ୍ଭଣ୍ଡାର୍ ନ ସବୁ ପ୍ରକାରର୍ ପର୍ଯ୍ୟଟନ୍ ଗତିବିଧିକେ ବନ୍ଦ୍ ରଖାଯାଇଛେ । ଇ ବଛର୍ ଛତିଶଗଡ୍ ସୀମ୍ନାର୍ ସୁଖାସୋଡ଼ା ଆଉ ଅନ୍ତରାଡ଼ିତକ୍ ଇ ଗନ୍ନା କରାଯାଉଛେ ବଲି ହୀରାକୁଦ୍ ବନ୍ୟପ୍ରାଣୀ ଉପଖଣ୍ଡ ଅଧିକାରୀ ଅଂଶୁପ୍ରଜ୍ଞା ଦାସ୍ ସୂର୍ନା ଦେଇଛନ୍ ।

ପୁରୁଷ ହକି ଇଣ୍ଡିଆ ଲିଗ୍ ଆଇ.ଆର୍.ପି.ଆର୍

ଭୁବନେଶ୍ୱର କଳିଙ୍ଗ ଷ୍ଟାଡ଼ିୟମ୍ ନ ଗଲାକାଏଲ୍‌ନୁ ପୁରୁଷ ହକି ଇଣ୍ଡିଆ ଲିଗ୍‌ର ଶେଷ ଖେଳ୍ ମେଚ୍ ମୁଲ୍ ହେଇଛି । ଗଲାକାଏଲ୍ ୨ ଟା ମେଚ୍ ଖେଳାଯାଇଥିଲା । ଇଥ୍ ବେଦାନ୍ତ କଳିଙ୍ଗ ଲାନ୍‌ସର୍ସ ୬-୧ ଗୋଲ୍‌ଥ୍ ଏସ୍.ଜି. ପାଇପର୍ସ୍‌କେ ଆଉ ହାଇଦ୍ରାବାଦ୍ ଡୋପାନ୍ ୬-୧ ଗୋଲ୍‌ଥ୍ ସ୍ତ୍ରୀଟୀ ବେଙ୍ଗଲ୍ ଟାଇଗର୍ସ୍‌କେ ହରେଇଥିଲା । କଳିଙ୍ଗ ଲାନ୍‌ସର୍ସ ଲଗାତାର୍ ୫ ନମ୍ବର୍ ଥର ଜିତିକରି ପଏଂଟ୍ ଟେବୁଲ୍‌ର ଶିଘାଥ୍ ରହିଛି । ଗଲାକାଲିର୍ ମେଚ୍‌ଥ୍ ରାଜ୍ୟପାଲ୍ ଡକ୍ଟର୍ ହରିବାରୁ କମ୍‌ପାଟି, ରାଜ୍ୟ କ୍ରୀଡ଼ା ଆଉ ଯୁବସେବା ବିଭାଗ୍ ମନ୍ତ୍ରୀ ସୂର୍ଯ୍ୟକାନ୍ତୀ ସୁରଜ୍, ବିଭାଗ୍‌ର କମିଶନର୍ ଆଉ ସଚିବ୍ ସଚିନ୍ ରାମଚନ୍ଦ୍ର ଯାଦବ୍ ଆଉ ହକି ଇଣ୍ଡିଆ ସଭାପତି ପଦ୍ମଶ୍ରୀ ଦିଲ୍ଲୀପ୍ ଡିକ୍‌ରୀ ପ୍ରମୁଖ ଅତିଥ୍ ଭାବେ ଯୋଗ୍ ଦେଇଥିଲେ ।

ଡବଲ୍ ବେଡ଼ମିଂଟନ୍ ଟୁର୍ଣ୍ଣାମେଣ୍ଟ ନୂଆପଡ଼ା ସମାବଦାତା

ନୂଆପଡ଼ା ଜିଲ୍ଲା ଇନ୍‌ଡୋର୍ ଷ୍ଟାଡ଼ିୟମ୍ ନ ଜିଲ୍ଲାସ୍ତରୀୟ ଡବଲ୍ ବେଡ଼ମିଂଟନ୍ ଟୁର୍ଣ୍ଣାମେଣ୍ଟ୍ ଗଲାକାଏଲ୍ ଉଦ୍‌ଘାଟିତ୍ ହେଇଯାଇଛି ।

ଜିଲ୍ଲାପାଲ୍ ମଧୁସୂଦନ୍ ଦାସ ମୁଖ୍ୟଅତିଥି ଭାବେ ଯୋଗ ଦେଇକରି
ଖେଳାଳିମାନଙ୍କୁ ଉତ୍ସାହିତ କରିଥିଲେ । ଚୁର୍ଣ୍ଣାମୋଚ୍ଥ ବୋଡ଼େନ୍,
ନୂଆପଡ଼ା, ସିନାପାଲି, କୋମ୍ପନା ଆଉ ଖଡ଼ିଆଲ୍ ଇଲାକାକୁ ବହୁତ
ଖେଳାଳି ଭାଗ ନେଇଥିଲେ ।

ପାଣିପାଗ ଆରବନ୍ଧୁ/ ସମ୍ବଲପୁର

ରାଏଜେ ଆଏଜ୍ଠାନୁ ଶୀତ୍ର ପ୍ରଭାବ୍ କମ୍ବା ବଲି ଭୁବ୍ନେଶ୍ୱର
ଆଠଲିକ୍ ପାଣିପାଗ୍ ବିଜ୍ଞାନ୍ କେନ୍ଦ୍ର ତରଫୁ ଅନୁମାନ୍ କରାଯାଇଛେ ।
ପଶ୍ଚିମାଝଡ଼ ପ୍ରଭାବ୍ଥୁ ଆଏବା କାଏଲ୍ନୁ ରାତିର୍ ତାପମାତ୍ରା ୨ ନୁ ୪
ଡିଗ୍ରୀ ତକ୍ ବଢ଼ିକରି ଶୀତ୍ କମ୍ବା ।